



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Tarentasien. Archiepisc. & Episcopo Augustensi, & Abbati Bonimontis.

urn:nbn:de:hbz:466:1-20006

190 Epistolarum Innocentij II I.

præmissis inquiratis plenius veritatem, & usque ad diffinitivam sententiam remoto appellationis obstaculo procedentes, gesta omnia nobis sigillorum vestrorum munimine roborata mittatis, certum terminum partibus assignantes ad quem recepturae sententiam nostro se conspectui repræsentent. Testes cogantur. Quod si omnes &c. duo vestrum &c. Datum Reat. II. Idus Augusti.

ARELATEN. ARCHIEPISCOPO.

Epist. 333.
Quod mutus &
surdus possint
matrimonium
contrahere.
Cap. Cùm apud
sedem. De spon-
sal. & matri-
moniis.

Cum apud sedem apostolicam, cui, licet immeriti, præsidemus, totius ecclesiasticae disciplinae residet magistratus, dignum est & consonum rationi, ut quotiens circa negotia varia & diversa quicquam dubitationis emerget, ad ipsius judicium recuratur, quæ disponente Domino inter omnes Ecclesias obtinere meruit principatum. Sanè consulisti nos per nuncios & literas tuas, utrum mutus & surdus alicui possit matrimonialiter copulari. Ad quod fraternitati tuae taliter respondemus, quod cum prohibitorum sit edictum de matrimonio contrahendo, ut quicunque non prohibetur, per consequentiam admittatur, & sufficiat ad matrimonium solus consensus eorum de quorum quarumque conjunctionibus agitur, videatur quod si talis velit contrahere, sibi non possit vel debeat denegari; cum quod verbis non potest, signis valeat declarare. Datum Romæ apud sanctum Petrum Idibus Iulii.

TARENTASIEN. ARCHIEPISC.

& Episcopo Auguſtenſi, & Abbati
Bonimontis.

Epist. 334.

Licet injunctæ &c. ut suprà in epistola CLXX. usque ad verbum illud quia Canonici prius arbitrium violaverant, & arbitrij paginam arbitri non curaverant emendare: quanquam (sicut in præsentia nostra confessus est) arbitrium ipsum post triennium approbaverit, cum eidem arbitrio sigillum apposuit, & ex tunc illud inviolabiliter observavit. E contra verò Canonici respondebant, quod nec ipsi ab arbitrio resiliant, &c. usque ad verbum illud amplexamur. Cum autem ipsum negotium sub certa forma de consilio fratrum vobis disposuerimus committendum, sapientius Episcopus supervenit, cui contra dilectos filios Canonicos Lausenan. & eisdem contra ip-

sum Episcopum in præsentia nostra fratribus nostrorum plenam concessimus audience. Ipsis ergo Canonicis eadē quæ præmissa sunt contra Episcopum proponentibus, ipse circa juramentum & arbitrium quæ præmissa sunt replicavit; adjiciens, quod non alio modo juravit, nisi quia in verbo veritatis promisit, quanquam in instrumento sui sigilli munimine roborato, quod juramentum fuerit, exponere videatur. Et utraque pars asserebat quod talis promissio vicem obtinet juramenti. Adjiciebat etiam, quod cum arbitri firmiter promisissent quod ad arbitrium præstito prius juramento procederent, & id postmodum non servasset, eorum non tenebatur arbitrium observare, quanquam exceptiones hujusmodi non probaverit requisitus, sed earum tandem probationibus libera renuntiaverint voluntate. Quia verò idem Episcopus dictum arbitrium captiosum fuisse, illicitum, & damnosum firmiter asserebat, nec super hoc fides nobis poterat sufficiens exhiberi, discretioni vestræ per apostolica scripta mandamus quatenus inquiratis super hoc diligenter veritatem; & si illud constituit fuisse illicitum vel iniquum, & in præjudicium ipsius Episcopi vel Lausenan. Ecclesia redundare, ipsum auctoritate apostolica corrigatis, & correctum faciatis monitione præmissa per censuram ecclesiasticam inviolabiliter observari. Quod si tale non fuerit, ad observationem ejus utramque partium compellentes, id nobis vestris literis intimetis; ut qualiter sit super juramento quod idem Episcopus præstitit procedendum, per hoc plenius cognoscamus: scituri quod quia idem Episcopus nobis fuit super dilapidatione delatus, & ideo in hoc magis suspectus habetur quod plures viri religiosi suas nobis literas direxerunt, nec se super ea sufficienter visus est excusare, ei districte præcipimus ut ante præsentis decisionem negocij bona sui episcopatus sine consilio & assensu personæ illius quam vos ei ad hoc duxeritis deputandum, nec inseuet, nec impingoret, nec distrahat, aut permuteret, nec aliquo titulo alienet. Quia verò quæ super aliis de præmisso Episcopo referuntur, quia gravia sunt, sub dissimilazione transire non possumus, nec debemus, eorum etiam inquisitionem de fratrum nostrorum consilio vestre duxinus ex-

perientia committendam, per apostolica &c. ut suprà usque ad verbum illud repræsentent. Si vero præfati Canonici duxerint desistendum, & probare &c. usque ad verbum commendare. Volumus autem nihilominus & mandamus ut personam curetis idoneam providere, quæ indemnitati consulat Ecclesiæ Lausaniæ ita videlicet quod dictus Episcopus sine ipsius consilio bona ejusdem Ecclesiæ nullo titulo alienet; ei tamen expensæ competentes ac necessariae non negentur ad causam; ne pro expensarum defectu, causæ suæ detrimentum incurrat. Si qua vero partium legitimè citata vestram præsentiam adire contempserit, vos nihilominus in causa ipsa appellatio ne postposita ordine judicario procedatis, cum in præsencia nostra litem fuerint contestati. Ad hæc, quia præfati Canonici proponebant se ab ipso Episcopo irrationabiliter spoliatos; vos, si eorum assertioni veritas suffragatur, ipsos restitui faciatis. Nullis literis obstantibus præter assensum partium &c. Quod si omnes, tu frater Archiepiscopo cum eorum altero &c. Datum Reat. XIV. Kalen. Augusti.

BAMBERGEN. EPISCOPO,
& Petro Scholastico Magantin.

Epif. 335.
Suspensor
Hildeclementis
Episcopus quod
sine auctoritate
Pontificis ad
Ecclesiam Her-
bipolensem
transferat.
Cap. Quanto.
De translatione
Episcop.
Vide infra epif.
374. & lib. 2.
epif. 34. 204.
278. 288.

hibendam, & evidenter afferunt sacrum canonum functiones. Non enim homo sed Deus separat quod Rom. Pontifex, qui non puri hominis sed veri Dei vicem gerit in terris, Ecclesiæ necesse est vel utilitate pensata, non humana sed divina potius auctoritate dissolvit. Nolentes autem tantæ præsumptionis audaciam relinquere impunitam, cum secundum Apostolum omnem inobedientiam prompti simus uelut scire, ne facti perversitas transeat præsumptoribus in exemplum, (quod quidem, si verum est, non potest non esse notorium) auctoritate omnipotentis Dei & beatorum Petri & Pauli Apostolorum & nostra de communi fratrum nostrorum consilio in virtute Spiritus sancti districte * tibi præcipimus, ut viisi literis nostris, omni contradictione & appellatione cessantibus, administrationem ipsius Herbipolen. Ecclesiæ tam in spiritualibus quam temporalibus penitus derelinquit. Si vero (quod non credimus) hanc suspensionem nostram non curaverit humiliiter observare, & inhibita sibi usurpare præsumperit, excommunicationis vinculo ipsum decernimus innodatum. Omnibus etiam tam Clericis quam laicis Herbipolen. diocesis sub anathematis intermissione præcipimus, ut non obstante iuramento fidelitatis, omnem ipsi obedientiam subtrahant, quam ipse sibi contra sacros canones usurpavit, non attendens quod dicit Apostolus: *Nemo sibi assumat honorem, sed qui vocatur à Deo tanquam Aaron.* Ceterum, quoniam Herbipolen. Canonici vora sua in ipsum prorsus illicite contulerunt, volentes, sicut dignum est, ut in eo puniantur in quo peccarunt, eligendi eos hac vice potestate suspendimus. Et si contra sedis apostolicae interdictum ad cuiusquam nominationem processerint, quod ab eis factum fuerit irritum decernimus & inane. Quia vero jam dictam Hildeclementem. Ecclesiæ, cui fuerat alligatus, unde secundum Apostolum solutionem querere non debet, nimis improbe dereliquit, ne ad ipsam ulterius redeat, in virtute Spiritus sancti ei districte inhibemus; cum secundum traditiones canonicas, qui ad majorem se plebem transtulerit, à cathedra pelli debeat aliena, & carere propria; ut nec illis præsideat quos per superbiam sprebit, nec illis quos per avaritiam concupivit. Nos quoque Hilde-

* Apud Gregor.
sibi.

Concil. Sardie.
6. 1.